

命而往秋霜春露不其悲及至一官匏繫遲之皓首歸

田旣而返棹湘江本圖兩喪歸葬而湘土挽之幾同投
轄因之落業歸義薄田百畝有奇數椽以蔽風日爰居
爰處猶廬墓意也至若上賴祖庥所生三女旋荷天眷
載育二男長媳胡次媳吳邑之右族長女適劉次適楊
三適杜湘之名門然則余丘墓於斯田舍於斯奴僕於
斯男女婚娶亦復於斯吾願足矣不亦樂而忘歸矣乎
又況湘山聳峙湘水榮環稱名勝也厥田上上土產饒
也習俗淳厚風近古也此正卜居者所傾心擇里者所

托足也詩曰適彼樂土其斯之謂與吾固知吾子孫世
世其處此矣故畧書其所自以昭茲來許云爾